

առնել զայդ . և պատասխանեաց թէ Ոչ է լեալ յօրէնս մեր և ոչ լիցի . գտցեն զայլ ոմն ի մէջ մեծ քաղաքիս և արասցեն հարսանիս . և տարան արքն զպատասխանիս առ նա : Եւ իբրեւ ոչ եղև՝ եկին մայր տղին և մամ աղջկանն կանամբ միով և նստան յանդիման վարդապետին , որ էաք յԱստուածածին , և ասեն . Հրամայեա՛ զի լիցի այս . և ասէ Զէ՛ լինելոց : Եւ ասեն . Զիա՞րդ ոչ լինի , բազում լեալ է ի քաղաքս և մին այս : Եւ ասէ վարդապետն . Առողքն կրեացեն զմեղս նոցա , միթէ լա՞ւ է լեալ , այլ օրինազանցութիւն և բարկութիւն Աստուծոյ և անէծք , և որք արարեալ են՝ օրս ոչ տեսեալ են . կայ բազում աղջիկ և տղայ , զհասս առցեն օրինօք սուրբ հայրապետացն : Եւ լացին մեծաւ աղաղակաւ թէ Անիրաւութիւն է՝ արարմունք քո , ի հաւատոց կու ելանեն , վասն է՞ր առնես զայդ : Ո՛վ որ ի դժոխս մտանէ՝ կամ ի հաւատոցն ելեալ է և բաժին , կամ յօրինացն ելեալ և բաժին լեալ : Եւ սկսան ասել . Մեզք նոցա ի գլուխ մեր եղիցի , հրաման տո՛ւր : Եւ ասէ վարդապետն . Թէ ես հրամայեմ՝ մեզք յինէն պահանջի : Եւ ասեն . Նոքա ամենեքեան որ հտուն միթէ ի մե՞ղս անկան : Եւ ասէ վարդապետն . Այո՛ անկան , և մեծ դատաստան պահի նոցա և ի դժոխս մաշելոց են : Եւ ելեալ նոքա ասեն . Մեք ես առնեմք և վասն նոցա ի դժոխս մաշիմք , և գնացին : Եւ վարդապետն ձայնեալ զտաներէց զերկոցունց և պատուիրեաց նոցա բազում , զի խրատեսցեն զնոսա և զգուշացուցեն զի դարձցին և մի արասցին զի զաւրհնութիւնս մեր վայելեցեն . ընդ նմին և ասաց զանէծս և զբանադրանս և զանվաւեր¹⁾ պսակն և զեկեղեցի չթողուն : Բազում անգամ զնացին երկացունքն և եկին և ոչ եղև հնար զներկեալսն ի չարն

1) զանուավեր .